

Мыгнухсугнитук куйңилъык анукагақ. Илин ыльтугин ыхута аңуясоқ, айпин инлонтуңыңаның амта ыхута. Аўғым ик рыпаль сапак аңуясоғым.

– Пильқахпыңа, опопың тукуйңа.

Анукағам капа. Нунамун пыглыхлџуку иңига. Иңа, гук, рыпаль анқахсита. Таўатын кулигамсумат. Анукағам куйңилъыхым иумет игунета нуналгутыни. Накын пикыңамат такут аңуясоғыт?

АКУКЫН

Ипа ытенайисаугақылгит тымңа лъыган нувуқахмит. Санамсиңоғақылгит гўатын тымңа сангитақңамың. Суқаның қалунлџақылгит, натын Қаўғани тана қалювигўақук. Углагим-сухенам пыгоқыкет қумагурат тайпагавык апыми ыганлџаглуку. Ынкам ахпалгигақылгит, ңан қулықахсақылгит.

Упынгаглуку ситытраглуки нығақыкет. Маклџахтыпихтақылгит упынгами аңьягьяўхтақңамың. Маклџит лъыган гўатын амийилькет, пилаглуки, гўатын лъыган кыпақыкет тагавык акамлџуглуки.

Тапхаққаўғақылгит. Уяққаўғақылгит. Анлџугни мантигани калџыхтақылгит атусильтыт. Илисакут. Углат ют атуситумалгит. Силџа пинихқаўхтақңаку сукапигмың атхақылгит, пинақныхтупихсимат қонырың. Укйџуми малгукакут, пиңаюкакут ныхсакут. Ынкам нукальпегат қонпың пайқахсекут. Нунивак наўгақңан ағнағат ағулақхуакут, ағуқакет санилитың мантиғам юит.

Суна лъыган ыхсилькит. Акуна нальогринат сиглыққақңата, натықкет иклџуки,акматахқаның санатакут. Ағнат силџагет атылгокут – қугаят. Таўатылнугның атакут пайығнаққнамыхтыхуң ағыфсак. Қугаялџтың пехтугьяхтугакут. Пехтуғақылгит атулгит. Ңан атусат ағвық тана калаят. Ыглыгусималуку туйутыкатақңатху, уनावык қаўгьямун қанлекңата.

Синываглуни тана ағилуни атуғақылге.

– Ағнақ?